

Insiden kematian dalam tahanan kes tembak mati

# KPN digesa sedia laporan terperinci

PM minta siasatan secara telus, serah laporan kepada Menteri Dalam Negeri

Oleh Mohd Nasaruddin Parzi  
bhnews@bh.com.my

**Cyberjaya:** Anggota Kabinet semalam, menzahirkan kebimbangan terhadap aduan berkaitan insiden kematian yang berlaku dalam tahanan serta kes tembak mati membabitkan suspek penjenayah, kata Datuk Seri Anwar Ibrahim.

Susulan itu, Perdana Menteri berkata, Ketua Polis Negara, Datuk Seri Mohd Khalid Ismail diarah menyediakan satu laporan terperinci, telus serta profesional kepada Menteri Dalam Negeri, Datuk Seri Saifuddin Nasution

Ismail dalam masa terdekat berkait kes aduan diterima.

“Kita tidak melindungi penjenayah, kita juga tidak melindungi tindakan termasuk oleh anggota polis yang (bertindak) bertentangan dengan proses negara hukum.

“Beberapa aduan mengenai perkara yang bercanggah dengan proses dan prosedur yang teratur harus disiasat secara telus dan terbuka,” katanya ditemui media selepas selesai menunaikan solat Jumaat di Masjid Cyberjaya 10, di sini, semalam.

Anwar berkata, beliau sudah mengarahkan Ketua Polis Negara untuk meneruskan siasatan secara telus dan tidak melindungi sesiapa, khususnya usaha membantaras jenayah dalam negara.

“Biarpun kita alu-alukan ketegasan mereka untuk bertindak terhadap penjenayah dan pelanggaran hukum, saya menggesa supaya beberapa aduan tentang hal-hal yang bercanggah dengan proses dan prosedur teratur, itu



Anwar beramah mesra dengan jemaah masjid termasuk golongan kurang upaya di Masjid Cyberjaya 10, semalam. (Foto BERNAMA)

harus disiasat secara terus dan terbuka.

“Umpamanya, kematian dalam tahanan ataupun soal penembakan. Saya tidak campur dalam urusan bagaimana harus dilaksanakan, tetapi saya juga gusar sekiranya dianggap beberapa peraturan itu tidak dipatuhi,” katanya.

## Henti tindakan

Dalam pada itu, Anwar mengulangi gesaannya supaya Polis Diraja Malaysia (PDRM) menghentikan tindakan terhadap pengkritiknya, khususnya membabitkan serangan terhadap dirinya.

“Beberapa tindakan terhadap pengkritik kerajaan, termasuk serangan terhadap saya, yang saya sudah beri arahan tidak perlu disiasat. Saya tidak pertikai tujuan matlamat orang yang me-

nyerang, (biarpun) kadang-kadang tidak berhasrat.

“Tetapi saya sudah mengarahkan, selain daripada kes jenayah yang jelas, atau tuduhan yang agak keterlaluan seperti barua Israel atau ada penyakit. Saya sudah mengarahkan supaya kritikan terhadap Anwar atau sebagai Perdana Menteri, tidak harus diambil tindakan.

“Apalagi kalau tindakan hanya berbaur politik, atau meminta supaya Perdana Menteri undur atau letak jawatan atau boleh disingkir. Kenyataan biasa itu saya tidak fikir PDRM atau saya perlu layan,” katanya.

PDRM dalam kenyataan sebelum ini, turut memandang serius setiap kes kematian dalam tahanan dan mengambil tindakan komprehensif bagi memastikan setiap kes disiasat secara teliti.